

滄宣娒

宗浪羅

御館

權製逸

歌詩稿







歌 權 浪 滄

著 儀 宗 陶  
選 錦 唐

編主五雲王

編初成集書叢

種二他其及歌權浪滄

中華民國二十六年六月初版

發行人

王雲五  
上海河南路

印刷所

商務印書館  
上海河南路

發行所

商務印書館  
上海及各埠

◆E九二〇

美

# 滄浪權歌

天台陶宗儀著  
雲間唐錦選

## 擬古用陸國隱韻

古人重節義。出處蓋弗苟。而我何爲者。南北事奔走。惻惻懷故里。去去成老醜。富貴不可期。聊以酌我酒。浮雲蔽頽陽。涼颼謝繁綠。氣化相尋繹。百歲一何速。達人意有在。豈復傷局促。且持杯中物。對此籬下菊。

## 擬古用陸國隱韻

王風萎衰周。人紀壞狂秦。大朴變哇淫。雕蟲蠹天真。迢迢百世下。禮樂就沈淪。尼父不復作。聖道詎能新。

## 雜詩

顛倒持太阿。乃以柄授人。人或怨惡。寧不傷吾身。喟彼秦二世。委政託姦臣。指鹿以爲馬。非是孰敢云。願言把劍者。名器宜自珍。

## 暮春謠奉和正齋承旨韻

風飈飈。雨蕭蕭。東皇促駕車載膏。墮紅殘萼芳草深。燭香壓地膩不消。繡屏寒逗薰沈腦。愁重燕脂倦梳。掃玉關萬里人未歸。風雨一番春又老。

## 鏡歌鼓吹曲二首

### 滄浪權歌

至正丙午夏秋之交。彌月不雨。民以菑告。錢唐張楚賓者。得法於靜樂君。禱輒有應。時留松江。郡父老請建壇城北門。翼日乃雨。大夫士作爲文章。歌以美之。因製漢鏡歌鼓吹曲二首云。

屢豐年。上帝閔農也。帝德好生。易菑爲祥焉。

屢豐年。羣生熙。瘡我旱。寧怨咨。星火烈。螟螽滋。苗而不秀。歲且荐饑。精誠格天聽。允惟念之。命幽靈。擊妖魍。龍膺捷疾。先後馳。金精流光。淫虹糜。四溟變。澱甘雨。時積水。彌九野。稔而可期。不殄禋祀。上帝是祈。

旱旣甚。張君闡化也。君積功累行。有禱而天應之。

旱旣甚。金石流。苗恙稿。民煩憂。疇能祈天致天雨。日惟張君驗之。屢靈壇。長跪恭進詞。黑札玄文。啟雷祖。閉陽縱陰理。則然吐電鞭。靈一何武。嗚烏鬱光祝融奔。淵龍起。蟄商羊舞。甘澤及我私。田里長驩娛。擊壤歌至正。厥功匪君誰。

郊居次韻張

南村有遺逸。白首軫黎元。平生厭趨競。甘分老丘園。未知軒冕貴。但識綱常尊。匪敢異流俗。亦云道所存。縱酒破愁壘。煮茶些詩魂。仰見衝霄鳥。刻刻脫塵樊。俯憐縱壑魚。戢戢含愁冤。懷哉鹿門龐。以安遺子孫。苟可脫世慮。何辭農事繁。深衷誓毋渝。特此與誰論。

折楊柳送夏西疇謫居大梁

折楊柳。贈君別。楊柳未折心已折。丈夫落落志四方。到此誰能不嗚咽。江南九月天雨霜。鴈聲墮地秋風

長出門行行幾千里。寒煙落日增離傷。令嚴獨許攜家室。藤笈編花載書帙。可憐身上千金裘。阿嬰手縫鍼綫密。吾聞中原百戰餘。民物鮮少城邑虛。君去結廬得幽勝。便可小擬西疇居。荆榛塞路猛虎伏。髑髏如山冤鬼哭。願言緩轡毋疾驅。疾驅恐妨傷馬足。折楊柳。歌苦詞。呼酒酌君君莫辭。黃河之水東南馳。人生會合還有時。

憫鶴次韻顧語溪

豪家闢池館。千金買猿鶴。青衣職餼糧。雕籠塗粉臚。客有芝田生。飛珮風前落。清類春水鷗。奮若秋天鷲。偶觸虞羅機。遂失雲松樂。翻懷丁令威。流睇青山郭。不乘衛公軒。詎中唐帝繳。滄海幾揚塵。丘陵或爲壑。主翁載馳驅。高情漸衰薄。俄然憂患來。難以談笑卻。玉帛奚足云。繁華頓成昨。宗族永參商。妻孥苦凌虐。出獄遺弊裘。徙邊無遠橐。而汝混象葛。編名從寄泊。鍛翻并州刀。驚夢周廬柝。長鳴聊自悲。俛啄亦云怍。雖愁蕙帳空。莫厭鷄羣惡。念彼遠行征。視此更離索。淚落返哺鳥。愁對青城雀。安能招汝遊。吹笙上寥廓。洪武癸丑八月二日與諸暨趙用賓黃漢彰趙自立江陰孫大雅大年丘宗岱程傳可同遊鍾山分

韻得落字

鍾山毓靈秀。寶坊炫丹雘。王氣接閩閩。冷飈灑巖壑。泉球石罅鏘。松籟空中落。吐辭極名理。擣藻騁奇作。嘉會難重期。斯游諒云樂。矢言謝囂煩。永志在寥廓。

題卞莊子刺虎圖

黑風捲沙日色薄。烏犍在原虎共搏。食甘而鬪小虎殂。大虎罷傷殊可縛。莊生瞑目躡其後。寶劍出匣蒼龍吼。自非館豎有先幾。將恐肝腸膏虎口。哀哉韓魏苦相攻。政墮秦人計術中。生之賈勇未足多。軫也從衡柰爾何。

簡顧秀才

他偏春自勝。市遠客尤稀。草閣開清晝。溪航載落暉。雜花晴蔌蔌。輕燕晚飛飛。問訊東鄰老。還容覓釣磯。

西湖紀興

浩浩春波闊。冥冥夜雨懸。笙歌傳別館。燈火隔疎煙。作客頻遷次。傷時更可憐。明朝晴未卜。還是醉湖船。

五里塘

破屋三家市。扁舟五里塘。亂波浮落照。飢雀聚枯桑。氛祲乾坤感。兵戈道路長。漂流無倚著。何日定歸鄉。

大明洪武改元以後所作

南村對雨

雨氣連村白。溪流觸岸渾。餘寒欺鳥雀。清潤溼琴尊。脩竹明如洗。長楊翠作屯。草堂初睡起。曳履掩柴門。

和鄭南榮韻

衰茶燒落葉。掃境動閒雲。水涸溪痕見。林疎岫色分。齋居長自掩。麋鹿動成羣。短屐相過數。惟應鄭廣文。

癸亥元日



通夕零寒雨。開晨吼朔風。人惟憂樂異。節自古今同。故國丹丘外。浮生白髮中。力田憂水旱。策問凶豐  
元夕

題岳王廟

珂里傳柑日。金吾放仗時。樓臺燈火澹。風雨管弦悲。術眩明皇幸。儀尊太一祠。千年成古蹟。兀坐謾齋咨。  
精忠祠宇西湖上。再拜荒口感昔遊。斷碣草深蒙曼虜。空山日落叫鉤輒。天移宋祚難恢復。帝幸燕雲困  
虜囚。逆檜陰圖傾大業。昭陵無意問神州。偷安甫遂邦家志。飲痛甘忘父母讎。信使北和憐屈膝。策文南  
下忍含羞。兩宮五國瞻征幟。丹詔班師下節樓。萬里長城真自壞。中興武績遂云休。烏乎竟死姦雄手。顛  
沛誰爲社稷憂。黯黯冤魂棲狴犴。紛紛痛哭泣貔貅。唯餘滿地衰宏血。不見中流祖逖舟。氛氳已塵金匱  
匣。冕旒終換鐵兜鍪。姓名竹帛書千載。父子英雄土一丘。老樹尙知朝禹穴。遺黎猶解說王猷。

曉起

豆苗引蔓上疏籬。桐樹吹花落釣磯。老我田園閒處好。故人書疏近來稀。挂巾蘿薛看雲起。沐髮滄浪待  
日晞。只怪平生詩癖在。形骸消瘦不勝衣。

題王筠菴水村山居二卷

垂楊舊種成籬落。小徑初開近石矸。夜雨漁舟添箇箇。晴沙鷗鳥下雙雙。夢魂不到鳴珂里。卜築何須濯  
錦江。沽酒鱸魚從野老。高歌招隱壓新腔。

松杉束屋青天小。猿鶴當階白晝閒。木客揖人騎虎下。溪童采藥買琴還。玉笙聲斷雲連席。丹竈光沈月滿關。我欲排楹與鄰竝。掬泉洗耳聽潺湲。

錄宋宮人語

雲護春陰凝薄凍。煙銷鑪篆帶餘馨。殘花滿院鶯聲澀。細雨吹簾草色青。丹鳳不來天浩浩。玉簫吹徹淚冥冥。腰肢瘦損真無幾。寧使清心混濁溼。

對月

客子每看湖上月。秋聲漸近竹邊窗。流螢綴衣夜數箇。白鶴聽琴時一雙。甘旨未能娛綵侍。旅愁長是對寒缸。販牛屠狗誠無媿。附鳳攀龍志未降。

熟食日有懷

去年今日天台路。布鞵青鞵捫薜蘿。山鳥亂飛疏雨至。人家閉戶落花多。孤燈容鬢愁中改。千里鄉關夢裏過。江漢悠悠爲客淚。先塋回首倍滂沱。

西湖晚步題湖山堂

短策輕衫徐步穩。平隄落日暮光遲。郎君馬上敲金鏡。官妓船頭唱竹枝。老鶴不歸和靖墓。長林還護鄂王祠。吁嗟人事朝朝異。山色湖光似昔時。

長安市

長安市上多青樓。樓下美人嬌。以羞千金買笑。復何惜。萬里作客。還自愁。勳業未成。慚寶鑑。英雄何服。看吳鉤。百年世事如雲雨。老大徒傷易白頭。

九日

汪城黯慘傷秋莫。人事難離感恨長。正苦兵戈依遠道。不堪風雨過重陽。鬢毛垂領蕭蕭短。菊蕊盈枝細細香。妖氣天光兩冥漠。將軍何日定荊襄。

獨坐簡趙彥徵

豺狼猛噬據荆徐。烽火連雲照玉除。世上小兒皆習戰。江南何地可安居。諸侯控制兵機冗。濫吏誅求國政疏。獨坐小窗情思惡。秋風嫋嫋正愁予。

撓發松江

客裏東風促去程。沙棠舟小布帆輕。衝人鷗鳥雙雙起。近水桃花樹樹明。故喜吳淞堪寄食。不愁江漢尙屯兵。經綸事業成虛擲。一寸葵心向日傾。

題實上張元之溪居卷

清溪流水白雲關。處士高標玉笋班。虛館數楹愚剡似。好山十里畫圖間。風前高柳株株弱。沙上羣鷗箇箇閒。袁茗汲清口。子小引鷓哺。果鳥聲蠻斫。魚自可開尊俎。肅客何妨響珮環。避世武陵同絕境。濯纓還許散襟顏。

次韻邵冠軍客中見寄

重關列戟遲行舟。小雨吹煙凝不流。時迓檄書傳帥命。數呼官酒破詩愁。江城已擊扶搖上。海宇還期汗漫遊。春樹重重雲暮合。懷人多在驛西樓。

皆夢軒爲陳汝嘉賦

北窗高臥羲皇上。不比南柯太守衙。塵世蕉陰方覆鹿。山童竹裏自敲茶。黃梁旅邸空仙枕。春草池塘卽謝家。萬事轉頭同一幻。怪來筠管忽生花。

偶成簡錢曲江

坐看涼月上溪樓。桐葉晶熒露氣浮。戀闕近瞻天北極。懷親遙隔海東頭。寓形宇內一身老。濯足滄浪萬里流。安得神飈駕輕轂。白雲直下卽丹丘。

寄贈葉子徵

平生不受官長罵。結屋乃在深郊居。田無二頃每種秫。日有一錢惟買書。養親上堂具甘旨。留客煮飯挑嘉蔬。憐君行義有如此。名譽豈肯終閭閻。

次韻謝士英

郊原十里非凡境。屋宇無多似瀼西。新竹長來吟徑小。綠楊缺處畫橋低。茶浮石鼎兒新煮。詩滿雲箋手自題。乘興看山出林麓。短筇一箇影清溪。

春雨初晴沈野亭見訪

九十日春渾有幾。相將一半雨兼風。草堂晴旭生虛白。花徑兒童掃落紅。漫喜故人來泗北。更期後夜宿山中。青鞵布韞須吾輩。百徧相過意未窮。

次韻夏士口戶侯

竹裏茅茨白板扉。興來隨意臥牛衣。天籠平野前山遠。水拍危橋過客稀。釣罷得魚沽酒去。雨餘種豆荷鋤歸。故人卻在城南住。日日清觴四座飛。

秋懷次夏停雲韻

妖氛瀕洞逼京華。將略時無李左車。休唱貞元供奉曲。似聞商女後庭花。職方未復江南貢。使者空乘海上槎。自古和邊真拙計。卻令紅粉泣琵琶。

送陳平仲

我居巷南子巷北。同是挈家來避兵。故園荆榛已能理。遠道虎豺那可行。老懷作惡輒數日。寒溪送別傷離情。未知後會更誰好。斫鱸且醉雙銀罌。

讀史次謝元素韻

長時讀史白雲西。往事評來手自題。亮也已亡誰相漢。單云多智國存齊。百川行地終歸海。五緯經天未聚奎。堪歎洛陽宮外路。銅駝荆棘夜烏啼。

樂靜草堂爲衛叔靜賦

屋繞夫容九疊屏。日長客去掩閒庭。巖花暖傍疎簾落。階草晴分汗簡青。溫火試香刪舊譜。汲泉煮茗續遺經。江南定有徵賢詔。大史方占處士星。

次韻答楊廉夫先生

移家正在小斜川。新買黃牛學種田。奏賦不騎沙苑馬。懷歸長夢淞江船。窗浮爽氣青山近。書染涼陰綠樹圓。樂歲未教餅有粟。全資芋栗應賓筵。

夜坐

披衣散髮坐南榮。漏點遲遲欲二更。風約沼萍雲影澹。月棲徑竹露華明。石牀涼意浮珍簟。寶鼎沈煙噴玉笙。世慮不關心似洗。此身只覺在篷瀛。

梅花隴

溪北溪南十萬枝。洞門深鎖幾人知。月香水影無多語。姑射羅浮自一奇。千里喜傳春信早。孤筇偏愛夕陽遲。殷勤更入坡仙詠。共補辛夷別墅詩。

守歲次韻謝高潔

明日五更纔是春。坐深不覺漏聲頻。風塵瀕洞向今夕。燈火團欒能幾人。老去清霜吹鬢髮。愁來雙淚落衣巾。乾坤納納皆兵甲。何處溪山著此身。

趙海寧長松高士圖

春雷喚起蒼龍墊。鱗甲蜿蜒雲氣溼。道人長鑿斲茯苓。半天風雨山精泣。  
暮春雜興次顧君舉韻

漁父鯉魚長尺半。提攜不受人家喚。當壚解縛換酒歸。爛醉滄江杏花畔。  
趙待制山水

山外溪平不肯流。山前喬木易知秋。水精宮裏清幽地。不信無人著釣舟。  
侯仲冶風雨歸莊圖

黑雨橫江天漠漠。饑蚊怒吼驚濤作。扁舟冒險且歸來。正恐耶朝風更惡。  
清曉過南屏

漏盡銅虬夜未闌。曙星炯炯碧雲端。馬頭籠燭衝寒去。直過南山第二關。  
宮詞三首題王叔明士女

閣門傳詔口龍池。宮漏穿花月上遲。準擬承恩供奉處。縷金團扇乞新詩。  
大家妝著鬪時宜。等候君王看月歸。三十六宮清夜永。幽情不許外人知。  
水晶別殿十分涼。金碧平橋近建章。直罷歸來成小立。花深驚起宿鴛鴦。  
題張渥湘妃鼓瑟圖

朱弦促柱鼓湘靈。霧鬢風鬟下紫冥。萬頃碧波明月裏。曲終惟見數峯青。

詞附

南浦

會波村在松江城北三十里。其西九山。離立。若幽人冠帶拱揖狀。一水並九山。南過村外。以入海。而溝澗。吹澗。隱。竹樹。閉。春。時。桃花。盛。開。雞。犬。之。聲。相。聞。殊。有。武。陵。風。槩。鹽。者。停。雲。子。居。焉。一。舟。曰。水。光山。色。時。放。乎。中。流。或。投。竿。或。彈。琴。或。呼。酒。獨。酌。或。哦。咏。陶。謝。章。柳。詩。殆。將。與。童。名。相。忘。嘗。坐。余。舟。中。作。茗。供。襍。抱。清。曠。不。覺。度。成。此。曲。主。人。即。譜。入。中。呂。調。命。洞。簫。吹。之。與。童。子。權。歌。相。答。極。鷗。波。縹。渺。之。思。云。

如此好溪山。羨雲屏九疊。波影涵素。暖翠隔紅塵。空明裏。著我扁舟容與。高歌鼓柁。鷗邊長是尋盟去。頭白江南看不了。何況幾番風雨。畫圖依約天開。蕩清暉。別有越中真趣。孤嘯拓蓬窗。幽情遠。都在酒瓢茶具。水濱搖晚月明。一笛潮生浦。欲問漁郎無恙否。回首武陵何許。

一萼紅 賦紅梅次郭南湖韻

水雲鄉。又南枝逗煖。綽約漢宮妝。春豔穠分。朱鉛淺試。翠袖獨倚脩篁。想應道東風料峭。翦霞彩。零亂補綃裳。勾漏尋真。丹丘授訣。傲睨冰霜。畢竟孤標還在。縱天桃繁杏。難侶寒香。瑪瑙坡頭。珊瑚樹底。江南別是風光。且莫倚高樓玉管。怕輕盈飛處。誤劉郎。依舊小窗疎影。淡月黃昏。

露華 賦碧桃用南湖韻

武陵夜寂。記露影璇空。一笑曾識。素臉暈鉛。巧把黛螺輕糝。莫是歌渡煙江。浣卻舊家顏色。還又訝深宮紺袖。唾花猶溼。問他阿母消息。甚落寞。梨雲青鳥難覓。不比錦紅輕薄。容易狼籍。嫩綠護出溪頭。誰顧



采香仙客春晚也。頻溫玉笙是得。

念奴嬌 九日有感次友人韻

黃花白髮。又忿忿佳節。感今懷昔。雨覆雲翻無限態。故國寒煙榛棘。杜老漂零。沈郎瘦損。此意天應識。劃然長嘯。不知身是孤客。呼酒謾被清愁。玉奴頻勸。兩臉添春色。眼底平生空四海。倦拂紅塵風幘。戲馬臺荒。登龍人老。往事休追惜。山林無恙也。須容我高屐。

木蘭花慢 次胡筆峯遷居韻

占中山一隕。雲旄靄。水縈紆。便小理蔬畦。深鉏菊圃。細整花衢。平生幾番卜隱。而今方稱列仙臚。問字溪翁載酒。執經弟子將車。猗歟心迹混樵漁。安用絕交書。向石上圍棋。松陰搗藥。樂意偏殊。當年輞川圖畫。有林泉如此更何如。旋買良田種秫。只知吾愛吾廬。

月下笛 賦落梅

東閣詩慳。西湖夢淺。吾音難託。香銷玉削。早孤標、頓非昨。阿誰底事頻橫笛。不道是江南搖落。向空階閒砌。天寒日暮。病鶴輕啄。情薄東風惡。試快覓飛瓊。共翔寥廓。冰魂漠漠。謾憐金谷離索。有時巧綴雙蛾。綠天做就宮妝綽約。待一點脆圓成。須信和羹問卻。



# 滄浪權歌敘

國初時。吾松有二寓公焉。曰維禎楊氏。曰宗儀陶氏。二公皆勝國遺老。挾所有而無所於試。遂混迹村翁野老。與之相應和於殘山剩水之間。雖其業之所擅。各有所長。而潤身華國。□有取焉。譬之粵珠蜀錦。爲用不同。均爲世之寶也。錦不佞於二公。無能爲役。然以鄉學也。竊嘗究心焉。楊公繁章爽律。往往鏤天心。鑿月脅。有驚神泣鬼之奇。陶固難與爭鋒。而陶公搜抉之富。裁訂之精。楊殆不容不屈服也。求之前代。楊之才。可當杜牧。陶之學。其洪景盧之流亞歟。錦爲童子時。於楊集中。見有所謂答陶隱君詩者。意陶公必能賦之士也。而世無傳焉。恆以爲恨。頃迺得其手編滄浪權歌一卷。不覺喜躍。亟讀之。灑乎清風之飄颻也。溶溶乎春日載陽而冰澌之渙泮也。於戲。公以黍離麥秀之餘。而有駿發蹈厲之氣。撫羈窮淪落之景。而無危苦憤激之詞。是亦足以見其所存矣。詩於公雖非顓門。而世以顓門稱者。亦豈遽能窺其堂室哉。後生晚學。瞻望山斗者何限。而茲彙伏匿草萊中。百餘年未之有遭。豈文之顯晦。果有數存其閒耶。抑造物者祕靳。不欲輕其洩也。迺於公暇。謾爲詮藻。繕而藏之。以備吾松文獻之一云。

正德丁丑歲中秋日。前進士中順大夫江西按察副使奉勅巡視提督學校雲間唐錦撰





宣宗御製詩

明宣宗撰

宣宗御製詩

本館據紀錄彙編  
本影印初編各叢  
書僅有此本

紀錄彙編卷之八

宣宗皇帝御製詩

宣德

天佑皇明啓治平年年南極耿元精篤生申甫扶  
鳴運定看昌齡過廣成

右賜少保兼太子少傅戶部尚書夏元吉

宣德二年四月

過史館

蕩蕩堯光四表巍巍舜德重華 祖考萬年垂紀乾

坤六合爲家

宣德四年十月十五日

花朝詩

五雲精護蓬萊島瑞氣紛紛動瑤草  
凭高一攬六合間萬象澄明春意好  
葱葱佳氣藹山河大地無塵海不波  
松篁檜柏翠浩蕩紫杏丹桃繁綺羅  
燕語鶯啼滿新聽魚躍鳶飛總天性  
輕車駿馬穉年芳處處壺漿樂游味  
斯時三農皆舉趾東阡南陌雞鳴起  
丁男把耒婦女饁齊力欲教田畯喜  
况值新年風雨時百穀豐穰真可期  
邊陲民謐物生遂嘉與臣庶同懽嬉  
翠殿彤臺白晝長花繞龍池春水香  
瑤箏齊唱錦瑟



和鬱金酒泛紅玉觴  
花辰廣延深似海  
君臣遭遇實千載  
豈但遺情共令臣  
一致華勛待元凱  
聖王制禮崇時令  
自昔明良協恭敬  
陽春德澤生光輝  
延佇嘉猷輔仁政

右賜行在兵部尚書張本

宣德二年二月十五日

重陽歌

初霜授衣鴻鴈南飛  
長河水清直見底  
雲淨四山開翠微  
轉盼韶華屬重九  
風落梧桐到楊柳  
家家歡聚賞佳辰  
彈箏擊鼓傳芳酒  
時菊紛開五色奇  
紫萸香

壓珊瑚枝摘萸把菊各相况長其年今年今日期深居九重  
重重民事樂民之樂同民意卻憶去年此日秋正高  
左仗黃鉞右白旄東巡邊陲斬逆虜束縛醜類如猿  
猴搜剔巢穴無遁逃倒撓銀河洗腥臊成武功班師  
旅六軍意氣凱歌盈路只今戢戈橐矢天下寧纖塵  
不驚八極清况值年豐百穀成西登瓊島一長睥胸  
襟宇宙同高明世傳觴菊令人壽太液應當釀爲酒  
滿泛黃花作酌上奉 聖母齊天萬萬年下飲臣民  
共攸久

右賜禮部尚書胡澐

宣德四年九月初九日

招隱歌有序

朕惟賢者制治之具肆卽位以來屢詔有司舉德行  
才智之士將與共圖治道然林泉巖谷必有遠引而  
不輕出者朕夙夜念之不能已已夫枉已求售非志  
士之本心而潔身獨善豈聖賢之中道故嘗作招隱  
之歌欲使幽遠之賢皆明朕志庶幾幡然有奮起者  
蓋昔人嘗賦招隱矣彼其所激欲與俱去遯世遺人  
一已之私朕之所懷天下之公題雖同而志則異觀  
者亦亮于志焉耳卿等爲國臣人之忠其必有以勉

副斯意勿徒視爲空言可也

吾觀天地化育功四序五疋任之軒轅堯舜致熙皞  
亦有六相兼臬夔君臣師濟自往古大厦豈是一木  
爲况予涼薄資九五丞大寶四海之廣兆姓繁側席  
仁賢翼王道長林大澤高丘巨壑豈無懷抱才德者  
蕭散幽間樂其樂叩舷清溪弄綠水結巢雲松招白  
鶴雲松蒼蒼白鶴飛翠羅搖曳春風時朝饒黃獨夕  
茹紫芝之放歌考槃什吟咏梁甫詞如玉在璞韜其輝  
天之生才將有爲豈使獨善而無施彼不輕施吾當  
致之屢下求賢詔明珠寧無遺中夜有懷起待日勞

心咨求忘日宴嗟爾賢人何樂空谷有莘幡然起猷  
畝傳噉何嘗終版築磻谿白首還鷹揚臥龍亦復興  
南陽旱歲人間望霖雨大川利涉需舟航嗟爾賢人無  
徘徊石泉麋鹿非爾伍風雲天路爲爾開脫却 芙  
荷衣掛在青崖隈翻翻並駕蒲輪來黃金如山築高  
臺待爾爲詠薑與萊毋爲令我悵望思難裁

宣德六年二月十五日

城樓春望

風和雲淡春三月樓頭叅差雨作晴隔水飛花隨舞  
蝶夾堤楊柳帶流鶯偶因閑暇憶天趣總爲融和暢

物情宇宙無窮生意在山川滿日照人清

上林春色

山際雲開曉色林間鳥弄春音物意皆含春意天心  
允合吾心

宣德六年二月初二日

喜雪歌有序

臘後五日之夜大雪待日而霽蓋豐年之祥也因作  
喜雪之歌與羣臣同樂之已命光祿賜宴其悉醉而  
歸歌曰

一冬晴明人不厭臘月雪飛尤所喜從古農占重三

曰來年有秋預可擬今年春初始雪雨已見農穰連  
遐邇况當嘉平越五日遇雪相歡詎能已昨夜從風廣  
莫來號空捲地初停雷斯須慢慢撒玉屑千樹萬樹  
梅花開大地平鋪皆一色光輝未數瑤瑤白西山蒼  
翠不可尋但見凌虛聳銀壁馬高四顧真奇觀日上  
扶桑朝不寒乾坤萃和作祥瑞滿目忻愉增意氣昔  
人勞農享臘維此時更說來年豐有期村村腰鼓聚  
晏飲庶幾時平今見之嗟予非德九居五燮理功能寄  
承輔舉觴樂相拜 天庥永念皇天與 皇祖

恭述 祖德詩有序

昔者胡元之季 上天厭之眷求聖德俾作民主我

仁祖皇帝有純粹之性誠一之德蘊至仁而弗矜

篤大義而不銜體正而養和履醇而抱潔循乎自然

安乎大順蓋動與天游靜與道俱易所謂大人曾論

所謂至德者也用集 天命大開厥祥篤生我 太

祖皇帝其仁如天其智如神道冠百王德侔五帝迅

掃六合綏寧萬邦正天紀立人極詩書禮樂之華典

章法度之盛超越隆古矣 皇祖太宗皇帝以大德

承大統神武赫著聖仁弘施近悅遠來內安外服茂

勳鴻烈允光于前 皇考仁宗皇帝不宣大猶恢彰





宣宗御製詩

明宣宗撰

宣宗御製詩

本館據紀錄彙編  
本影印初編各叢  
書僅有此本

紀錄彙編卷之八

宣宗皇帝御製詩

宣德

天佑皇明啓治平年年南極耿元精篤生申甫扶  
鳴運定看昌齡過廣成

右賜少保兼太子少傅戶部尚書夏元吉

宣德二年四月

過史館

蕩蕩堯光四表魏魏舜德重華 祖考萬年垂紀乾

坤六合爲家

宣德四年十月十五日

花朝詩

五雲精護蓬萊島瑞氣紛紛動瑤草  
凭高一攬六合間萬象澄明春意好  
葱葱佳氣藹山河大地無塵海不波  
松篁檜柏翠浩蕩紫杏丹桃繁綺羅  
燕語鶯啼浦新聽魚躍鳶飛總天性  
輕車駿馬穉年芳處處壺漿樂游咏  
斯時三農皆舉趾東阡南陌雞鳴起  
丁男把耒婦女饁齊力欲教田畯喜  
况值新年風雨時百穀豐穰真可期  
邊陲民謐物生遂嘉與臣庶同懽嬉  
翠殿彤臺白書長花繞龍池春水香  
瑤箏齊唱錦瑟

和鬱金酒泛紅玉觴  
花辰廣延深似海  
君臣遭遇實千載  
豈但遺情共令臣  
一致華勛待元凱  
聖王制禮崇時令  
自昔明良協恭敬  
陽春德澤生光輝  
延佇嘉猷輔仁政

右賜行在兵部尚書張本

宣德二年二月十五日

重陽歌

初霜授衣鴻鴈南飛  
長河水清直見底  
雲淨四山開翠微  
轉盼韶華屬重九  
風落梧桐到楊柳  
家家歡聚賞佳辰  
彈箏擊鼓傳芳酒  
時菊紛開五色奇  
紫萸香

壓珊瑚枝摘萸把菊各相况長共今年今年今日期深居九重  
重民事樂民之樂同民意卻憶去年此日秋正高  
左仗黃鉞右白旄東巡邊陲斬逆虜東縛醜類如猿  
猴搜剔巢穴無遁逃倒撓銀河洗腥臊成武功班師  
旅六軍意氣凱歌盈路只今戢戈橐矢天下寧纖塵  
不驚八極清况值年豐百穀成西登瓊島一長睥胸  
襟宇宙同高明世傳觴菊令人壽太液應當釀爲酒  
滿泛黃花作酌上奉 聖母齊天萬萬年下飲臣民  
共攸久

右賜禮部尚書胡澐

宣德四年九月初九日

招隱歌有序

朕惟賢者制治之具肆卽位以來屢詔有司舉德行  
才智之士將與共圖治道然林泉巖谷必有遠引而  
不輕出者朕夙夜念之不能已已夫枉已求售非志  
士之本心而潔身獨善豈聖賢之中道故嘗作招隱  
之歌欲使幽遠之賢皆明朕志庶幾幡然有奮起者  
蓋昔人嘗賦招隱矣彼其所激欲與俱去遯世遺人  
一已之私朕之所懷天下之公題雖同而志則異觀  
者亦亮于志焉耳卿等爲國臣人之忠其必有以勉

副斯意勿徒視爲空言可也

吾觀天地化育功四序五疋任之軒轅堯舜致熙皞  
亦有六相兼臬夔君臣師濟自往古大厦豈是一木  
爲况予涼薄資九五承大寶四海之廣兆姓繁側席  
仁賢羽翼王道長林大澤高丘巨壑豈無懷抱才德者  
蕭散幽間樂其樂叩舷清溪弄綠水結巢雲松招白  
鶴雲松蒼蒼白鶴飛翠羅搖曳春風時朝饒黃獨夕  
茹紫芝放歌考槃什吟咏梁甫詞如玉在璞韜其輝  
天之生才將有爲豈使獨善而無施彼不輕施吾當  
致之屢下求賢詔明珠寧無遺中夜有懷起待旦勞



心咨求忘日宴嗟爾賢人何樂空谷有莘憐然起歛  
畝傳噉何嘗終版築磻谿白首還鷹揚臥龍亦復興  
南陽旱歲人間望霖雨大川利涉需舟航嗟爾賢人無  
徘徊石泉麋鹿非爾伍風雲天路爲爾開脫却 芙  
荷衣掛在青崖隈翻翻並駕蒲輪未黃金如山築高  
臺待爾爲詠薑與萊毋爲令我悵望思難裁

宣德六年二月十五日

城樓春望

風和雲淡春三月樓頭叅差雨作晴隔水飛花隨舞  
蝶夾堤楊柳帶流鶯偶因閑暇憶天趣總爲融和暢

物情宇宙無窮生意在山川滿日照人清

上林春色

山際雲開曉色林間鳥弄春音物意皆含春意天心  
允合吾心

宣德六年二月初二日

喜雪歌有序

臘後五日之夜大雪待旦而霽蓋豐年之祥也因作  
喜雪之歌與羣臣同樂之也命光祿賜宴其悉醉而  
歸歌曰

一冬晴明人不厭臘月雪飛尤所喜從古農占重三

日來年有秋預可擬今年春初始雪雨已見農穰連  
遐邇况當嘉平越五日遇雪相歡詎能已昨夜從風廣  
莫來號空捲地初停雷斯須慢慢撒玉屑千樹萬樹  
梅花開大地平鋪皆一色光輝未數瑤瑤白西山蒼  
翠不可尋但見凌虛聳銀壁馬高四顧真奇觀日上  
扶桑朝不寒乾坤萃和作祥瑞滿目忻愉增意氣昔  
人勞農享臘維此時更說來年豐有期村村腰鼓聚  
晏飲庶幾時平今見之嗟予菲德九居五燮理功能寄  
承輔舉觴樂相拜 天庥永念皇天與 皇祖

恭述 祖德詩有序

昔者胡元之季 上天厭之眷求聖德俾作民主我  
仁祖皇帝有純粹之性誠一之德蘊至仁而弗矜  
篤大義而不銜體正而養和履醇而抱潔循乎自然  
安乎大順蓋動與天游靜與道俱易所謂大人曾論  
所謂至德者也用集 天命大開厥祥篤生我 太  
祖皇帝其仁如天其智如神道冠百王德侔五帝迅  
掃六合綏寧萬邦正天紀立人極詩書禮樂之華典  
章法度之盛超越隆古矣 皇祖太宗皇帝以大德  
承大統神武赫著聖仁弘施近悅遠來內安外服茂  
勳鴻烈允光于前 皇考仁宗皇帝丕宣大猶恢彰

美化仁恩惠澤益廣益深是以普天之下莫不尊親  
同心愛戴至於今日顧予菲薄克遂承繼揆度所自  
厥有民微實由 仁祖皇帝原本之隆肆 太祖皇  
帝開創之大而我 皇祖 皇考德以恢廓而維持  
之萬世之業所由定也 列聖之德與 天維一謹  
序述爲詩九章以詔後世詩曰

上天信崇高臨下明以赫元季政昏亂 帝用厭夷

狄眷求令德宗親乃善慶積巍然啓其祥疆宇俾開

闕一章 恭惟我 仁祖躬備大聖德天性稟純粹溫

恭而允塞篤志在仁義兼亦貴稼穡寶玉之所藏山

川被光澤

二章

維時屬遘屯猷畝足自適進退與

道俱玉德懷貞白

皇天鑒昭晰寶命所由錫篤生

太祖聖配天立人極

三章

海內如鼎沸土壤分

割柝蒼生靡怙恃俛伏斃毒螫仗劍起濠梁奉

天

拯焚溺再駕定東南一舉下西北

四章

曠哉六合內

腥穢悉蕩滌三光復宣朗五典重修飭遠齊堯舜功

近過湯武績遂令普天下休養樂生息

五章

太宗

削姦回維繞奠

宗祏聖文旣炳煥神武允赫奕賢

才進登用乘德各修職庶邦承覆載貢獻來九譯

六章

章

昭考撫盈成至仁弘隱惻民安視如傷恭已臨

萬國繼志與述事夙夜懷兢惕 皇風益清穆王道

彌正直七章 正本所自隆 仁宗實啓迪祥源深

且廣天派四洋溢 聖神詔傳序茂衍萬世歷造商

本玄王興周美后稷八章 茲予嗣鴻業時幾謹申

勅 四聖赫在天攸久貽法式保佑賴深眷負荷愧

綿力稽首臣詠歌庶民示無數九章

宣德六年十一月初一日

大清朝紫微腰間勝龍雙寶劍秋水光晶寒舍激灑  
嘯風呼霆作霖雨屢注仙瓢蘇下土功成劍用歸

希夷玄天至道本無爲眼前民患忍坐視恤人一體  
天之茲日來謝別何匆匆騎鶴逕度江東之江東之  
江東龍盤虎踞五雲表鐘翠 接三茅峰茅家兄弟  
青冥上白日驟鸞定相訪還來赤松子亦有安期生  
上朝南極受昌星好山好水清且明西方出金桃南  
斗斟雲液長生有曲舞且歌年過廣成千二百

宣德七年二月二十六日

賞菊詩

座上滿斟綠酒鬢邊斜插黃花可咲龍山勝會何如  
閔苑僊家



右賜都指揮馬麟

宣德八年九月初日

除夕玉樓春

迎新送舊今宵好，爆竹聲中春意到。  
彤樓紫殿瑞煙高，御柳官桃方信早。  
屠蘇酒畔誰年少，守歲笙歌歡徹曉。  
明朝明日慶三元，坐待玉壺更漏報。

宣德 年

猗蘭操

昔孔子自衛反魯，隱居谷中，見蘭之茂，與衆草爲伍，自傷不逢而托爲此操。子慮在野之賢有未出者，故

擬作馬蘭生幽谷今曄曄其芳賢人在野今其道光  
光嗟蘭茂今衆草爲伍於乎賢兮汝其予輔

宣德七年正月二十日

山水圖歌有序

長春真人劉淵然事 太祖皇帝 太宗皇帝 仁  
宗皇帝以至於朕凡歷四朝闡玄元之妙著感通之  
功攄恭秉 誠老而逾篤已老年忠存閒佚辭歸南  
京朕重其去也因取孔子 仁智壽樂之旨援筆作  
山水圖賜之而題詩其端以寓所以睦厚於老成意  
云

東華之東湛明景綵霞環繞蓬萊境瓊芝瑤草春不  
窮丹光夜動黃金鼎淵然老僊崆峒客萬里回來此  
棲息手持如意青芙蓉兩臉潮紅頭白雪頭上琢玉  
冠身中雪繡衣朝朝飛神馭烝起汗漫直上天香早  
折僊桂枝筆花五彩開鳳池蓬萊之上直奎壁近侍  
九重天咫尺末樂 聖人臨御初鞠躬稽首陳嘉謨  
仁宗監國文華殿左右謀猷共群彥朕承大寶君  
萬方相與共理資賢良傾心寫成任舊老而卿引疾  
先還鄉五歷星霜復相見霜髯蕭蕭秋滿面是時朝  
旭光升紫殿明相對清言良慰情畱之累月未盡意

歸心又欲東南征太液清泠涵碧藻楊柳芙蓉相映  
好鳧鷖瀾瀾弄澄波紫霧紅雲拂瑠島芳肴在俎酒  
在壺公歌鹿鳴續白駒君臣大義是所重心須廷闕  
身江湖鴈蕩峰高不極中有謝公舊遊迹采芝斲  
苓苓可長年應在天南憶天北

宣德八年六月十一日

玉簪花賦有序

庭階多玉簪暑雨作霽金風從生涼其花盛開不競於  
春陽之時而秀拔於早秋之候潔白妍麗異於群卉  
翫而嘉之乃爲之賦

春陽萃和萬顛萌蘖衆卉爭妍千葩競發豈若玉簪  
之翹翹獨後羣芳而秀拔于時少皞司令金氣應節  
翠葉紛敷素蓋未折忽微雨之沾灑條初秋之餘熱  
乃粲然而盛開偉光營之紛揭方其海旭乍升暘光  
昭晰湛若鉛華明如珮玦冰姿素淡霜容皎潔翩粉  
蝶兮欲迷何緇塵兮可涅及夫羲和停輪皓月行空  
繁影在地旖旎玲瓏如霓旌兮下降顛雲彩兮疊重  
承夜光兮色猶晦涵湛露兮香逾濃違頰紫兮紛華  
抱奇尚兮貞白謝東風兮不競懷秋素兮自得嗚呼  
尚高之士恬退之節林逋西湖之瀆元亮東籬之側

蓋以聯芳而並潔也

宣德八年七月十五日

西山晴雪詩有序

宣德壬子冬十一月癸未夜天氣微和瑞雪再降不  
亟不徐達旦而霽人咸以爲豐年之兆予情忻悅登  
鳳閣望西山但見羣玉千里一色因製詞以識喜云

脫布衫帶小梁州

喜看這山與雲齊喜看這雪正晴時喜看這天花絢  
彩喜看這玉龍獻瑞 喜雪後微雲四散飛鳳城外  
總是玉屏圍遙接太行西明晃晃無邊際但見那松

鬱叢瓊枝與蓬萊閨苑同光霽與龍樓鳳閣聯輝湛  
西湖寶鑑中浸太液冰壺裏滿望似瑤臺玉壘境界  
冠華夷

萬歲山丹桂秋芳歌

秋涵太液玻璃碧倒影空明秋一色梧桐楊柳欲迎  
霜紅斂芙蓉澹不芳萬歲山前萬桂樹從茲特

凌虛出煙霧連蜷夭矯勝虬龍翠蓋蒼帷藹紛布開  
花又如黃金綴粟攢珠汎晨露雲消六合澄無際但  
覺天風滿天地夜中晏坐廣寒宮俯視河山邈人世  
舉酒酌姮娥今宵玉鑑何嗟噉

白兔擣靈藥何爲長倚桂樹柯  
酒虛可望不可詰惟是鼻端不斷芬芳多  
蕙蘭瑣瑣馬足道艾納芸暉亦非寶  
總不如僊種月中來玉露金風共清好比辰近  
饒蓬萊島銀河光氣通瓊沼應是飈車羽輪降天地  
真香信先傳下雲表

宣德九年 初一日

梧桐秋雨吟

秋風如梧桐復聽蕭雨滴歷銀床  
夜向東闌瑤簟涼生已無暑  
雨聲不續當前墀涓涓洗淨珊瑚枝  
淨然一夜暗飄墜陰蟲步砌鳴聲悲  
流光如水赴東海春



去秋來迭相代草木榮枯各有時誰謂穠華可長在  
春天百物應始妍秋氣凝肅材乃堅  
只今此木已堪用廟制樂焉能

宣德五年八月初一日

苑中早春詩

淡沲東風微雨來苑中亭館淨塵埃不教柳下將黃  
繖自愛階前步紫苔雙燕近簾嬌共語百花臨水競  
先開也知天意回春早却笑當年羯鼓催

宣德八年六月十一日

喜雪歌有序

朕承天序位羣臣萬姓之上夙夜勞心以生命爲慮  
仰荷 天地 祖宗之祐下資文武之臣協贊燮理  
之助及茲一陽將復六出呈祥益來歲豐稔之兆遂  
作喜雪之歌與羣臣共樂之已勅光祿寺酒饌對此  
瑞景敢宜各盡觴歌曰

天氣肅肅當嚴冬大地凜冽號朔風扶桑曜雪韜曠  
矚屏翳一色浮鴻濛斯須素景搖太空霏花搵葉何  
丰茸六出巧自造化工覆纒敷縞遠邇同綴瑤貼璐  
緣墻墉輕盈宛轉穿簾櫳千門萬戶先玲瓏積平坎  
宵增二封凍合溝瀆流靡通林沼幻出銀芙蓉遂令

松篁失青葱翰飛蠕動寂歛蹤萬幾之暇坐九重豈  
不自足鮮與釀一念所重存瘵恫荷戈披甲防虜戎  
况復懷此爲忡忡維時預兆年歲豐滋潤牟麥消螟  
螽騰懼溢喜歆畝農 皇皇寶命承 昊穹明明大  
統紹 祖宗顧慚菲薄怛省躬夙夜兢業持寅恭仰  
荷 郊廟靈貺隆在庭文武卿與公協勤匡翼燮理  
功暨百執事咸奮庸卽此寧不均懽悰玉華皎皎心  
境融光祿眷豐琬珀濃賞瑞滿引黃金鍾相與共醉  
樂時雍

宣德四年十一月十五日

重陽詩有序

重陽節屆霽景澄明正樂太平時也朕念爾羣臣輔翼之功理應同之特賜花糕菊酒複製詩一章以寓期勉之意云

海宇清寧百穀豐重陽佳節萬方同摘萸把菊開芳晏尚啓群臣弼亮公

幸史館

天命余躬撫萬方丹心切切慕虞唐退朝史館咨詢處回視文星爛有光

早朝

曉月流輝照袞衣九重曙色尚熹微禁鐘纔起群僊  
集韶樂初鳴彩鳳儀柳外祥飈隨雨葢化稍香霧護  
龍旂雞鳴美詠傳千古誰美陽春和者稀

上林冬暖

蓬島雪融瑤液瑤池水泛冰漸曉日初臨東閣梅花  
開遍南枝

四景

水影虛涵一鏡中晴光搖蕩暖雲紅小桃花重初輕  
雨弱柳絲柔屢舞風

暑雨初過爽氣清玉波蕩漾畫橋平穿簾小燕雙雙

好泛水閒鷗個個輕

新秋涼露濕荷叢不斷清香逐曉風  
滿目樓華春意  
在晚霞澄錦照芙蓉

池頭六出花飛偏池水無波凍欲平  
一望玻璃二百  
頃好山西北玉爲屏

賜太醫院使徐升拱

雲間秀敏人中英襟懷磊落冰壺清  
羣書博覽析理  
明青囊金匱尤妍精濟人利物心秉誠  
江南江北驅  
芳聲我冠博帶屬老成輅車應召來我  
京醫人醫國  
咸見穰回生起死如通靈掄材特受官  
品榮蒼顏皓

首享遐齡錫爾鳳詒彰爾能追封雲仍爾所生搢來  
思孝摠衷情懇告祭奠歸先塋朔風獵獵征帆輕長  
江萬里煙波平故鄉書錦光熒熒壺觴親舊歡相迎  
私思八義當並行北轅宜早登回程兩全忠孝惟在  
卿竹簡千載留清名

宣德二年九月二十八日

贈太醫院使徐升拱還鄉詩

大醫老卿八十餘曾蟠千古岐黃善鬢含白雪面紅  
玉長紆錦綬鳴璫琚光華近侍今二朝政恭和寶功  
業高五花鸞詒寵先世南望飛雲心孔勞歸榮遂爾

追遠情吳郡松江水清冷春風花開景明麗待爾重  
來朝 闕庭

宣德二年二月十一日

賜少傅工部尚書兼謹身殿大學士楊榮

武夷巍峩青挿天丹山碧水相連延扶輿旁礪之所  
產往昔奮起多名賢只今維續楊花分漢清白吏有  
遠孫明經榮啓第詞垣 皇祖承 天御天下竭職  
論思靡餘暇懷忠秉誠履堅貞臨事果達智識明禁  
中頗牧才卓犖風雲驥足千里輕顧余菲德嗣天位  
盱食宵衣急圖治普天之下率土濱安危休戚繫一



人大厦之興藉梁柱爲邦之資輔弼臣卿事 太祖  
兼 仁考歷年固多身未老方茲倚重傳與保土有  
大抱負堯舜其君民勗哉弼違補闕輔吾人齊昔芳  
賢輝千春

宣德九年十一月初一日

綠竹引

薊門八月雪花濃何事種竹能成叢鳳城之陽禁苑  
東琅玕萬樹凌青空光搖太液波心月高出三山頂  
上松祥飈拂拂來天上鳴金戛玉聲玲瓏蓬萊宮中  
日如年高柯密葉霏雲煙春陽挺秀百花表秋月增

輝僊桂邊九夏繁陰覆靈囿祥麟瑞鶴相周旋六花  
凌寒羣卉老清標轉覺先光妍軒皇昔時初製律截  
筒來自崑崙谷江心礚石桃竹杖斬根削皮誇紫玉  
如何蓬萊宮中竹雨露偏多生意足盤根固節千萬  
年遠來猗猗淇水澳上林花木興青春靈芝瑞草爭  
芳芬愛此蒼蒼太古色竹邊幾度停遊輪世云鳳凰  
食竹實又云鳳凰棲竹枝鳳笙執太平曲鳳兮鳳兮  
今來儀予將拭目而視之

右賜都督孫忠

宣德四年二月十二日

賜會昌伯孫忠還鄉詩有序

會昌伯孫忠中宮之父也中宮有賢德佐朕之治內  
及母之教朕既崇忠節秩又推恩其二世中節告歸  
省內展焚之禮於祖考孝之道特賜詩以旌其  
行云

秋露如玉金氣涼丹桂飄拂天香揚雕鞍繡勒五花  
馬東望山東歸故鄉純誠粹美無斃度被服芙蓉佩  
寶璐碧桐翠竹映瀟灑白石青金愜真素上承百世  
之石宗好仁施德善慶崇安生賢叔位中壺輔我內  
治光軒龍推原所自錫嘉命五等之爵隆褒封貂玉

榮次侯與公其光三葉顯秩同織金鸞誥五花文親  
捧升堂歸拜親手膳黃紙薦丘壟冠衣簞簋紛前陳  
髻童白叟滿道路聚望嘆羨咸欣榮光華佳氣溢鄉  
里山川草木皆回春人生富貴還家好况是豐年秋  
穫早廣延芳酒會親知敬展寒暄慰耆老不伐不矜  
行且惇既貴守約貴永存及時勤德在勉勵無忝濟  
南茲善門門前北望歸來道冰未合須回擢愛親奉  
國兩不忘令譽兼全忠與孝

宣德四年九月初三日

紀錄彙編卷八終



娑羅館逸稿

屠隆著

本館據寶顏堂祕  
笈本排印初編各  
叢書僅有此本

# 娑羅館逸稿卷一

東海屠隆緯真甫著

## 消搖令

挂冠歸去謝君王。脫朝衣。把布袍穿上。荷犂鋤。擲手板腰章。今日九重丹鳳闕。明朝千頃白鷗鄉。滿西湖。荷花正香。望東海。月輪初上。曲岸橫塘。畫橋蘭漿。只此處。儘可容得疎狂。

## 烏欒

手提著閒中風月。一任他烏兔奔忙。肩擔著物外乾坤。都不管春秋來往。出火坑。總領的一味清涼。離苦海。安穩地喜無風浪。解憂悶。服了平胃散。除煩渴。飲了太和湯。俺想那華清宮。馬頭殘月。到不如白沙村。牛背斜陽。俺自有胸中丘壑。煞彊如名利場。則看你臉上烟霞。原不是公侯相。要買卻長生訣。又何須金玉千箱。待踏遍神仙府。剛只用芒鞋一緇。有甚商量。

## 挾飛仙

卻纔個謝恩辭。鰲離仙仗。早想雲水瀟湘。猛回頭。渾不記舊日的蘭省郎。夜來時。夢早入在蘆花蕩。那漁翁推篷身臥滿天霜。幾曾聽骨碌碌馬蹄忙。撲刺刺鳴鞘響。閃得人膽戰心慌。

## 重練柳

俺也曾勤萬民。月色星光。俺也曾提三尺。天青日朗。俺也曾禱神明。驅龍禁鬼。俺也曾走馱馱。沐雨經霜。俺也曾草朝儀。衝寒筆飽。三冬雪。俺也曾直紫禁。不寢衣。熏五夜香。這也是俺爲官的理當。到如今早尋個燒殘紅燭。夢破黃梁。大英雄。苦沒個好結局。盛筵席。卮裏有不散場。恨鏡中絲。不饒豪傑。墓前土。漸送侯王。你則看五街喧。車馬嚷。九門開。鼓樂張。百官朝下趨丞相。滿園飛蓋花千樹。夾道紗籠燭兩行。轉盼也相堪惆悵。早花移別院。客散高堂。

洞簫曲

人生得意番魔障。也都有烏盡弓藏。兔死狐傷。牽犬恓惶。唳鶴悲涼。摩挲眼界紅塵外。抖擻毛衣白日傍。也非狂蕩。不是荒唐。喜孜孜。策蹇出咸陽。

雷龍部曲

我也做不得載西施。范蠡的行藏。我也做不得醉東山。謝安的伎倆。也沒有鑑湖曲。君王恩賞。也沒有征虜亭。下官祖帳。也沒有漢成都。八百桑。也沒有晉陶潛。五柳莊。忒莽撞。扶目浮屍伍相亡。沒來由。采石沉埋李白狂。又何苦江潭憔悴靈均放。頂黃冠。瀟灑道人裝。裹青鞋。遶邊窮酸樣。無營無想。真個是隨緣分。過時光。

大江東

駭世路。羊腸太行。論人心。羅刹瞿塘。委實難防。狼戈矛。從容笑裏藏。毒羽箭。一霎間中放。黑漆漆。裝下了



陷人坑。響璫璫。直說出瞞天慌。那裏討一副奸人面孔。高力士肚腸。直弄得人裹鴟夷。飲劍鏗。哭纍臣。葬大江。逐山鬼。投烟瘴。毀壁成傷。剜肉成瘡。只你兩片脣。滅了九地。一隻手。掩了三光。又誰知功曹直日無偏黨。儘生前模糊上帝。拚死後抹殺閻王。

### 漁陽鼓

俺少時也有倜的志量。秉精忠。立廟廊。奮雄威。出戰場。去擎天捧日。做玉柱金梁。然後回頭辟穀休糧。今日裏。是天涯風波飽嘗。心兒灰冷。鬢兒蒼。因此上撒漫文章。捲起鋒鏑。結束田莊。急收回一斗英雄淚。打疊起千秋烈士腸。猛中酒迷花。也沒下場。便吟詩作賦。也沒情況。靈臺一點渾無恙。閒思想。且丟卻別人軀殼。早照管自己皮囊。

### 水紅蓮

你待要設機關。烹麟醢鳳皇。番做了走蛟龍。掣鎖開羅網。我猛擡身。青天碧海。何物不昂藏。纔踏步。勝水名山。是處皆閒曠。這沒是非的眉頭日日揚。斷煩惱的情懷時時暢。來也何妨。去也何妨。轉堪憐。烏鳶死鼠。空自惹閒忙。

### 天門歌

淮陰辱。何須較。范丹窮。不用忙。老天分付休嘶撞。雖然是歸來風景。忒荒涼。也只落得無災障。荔薜縫裳。沉澹爲糧。短短垣牆。小小茅堂。鬧嚷嚷。鶯翔燕翔。亂紛紛。蜂忙蝶忙。細茸茸。花香草香。藤梢斜挂。蟲絲網。

晴雲房。柳遮桃映。新竹已成行。

梨花月

斷霞紅。海氣蒼。跳雨白。晚天涼。漲春流野塘。亂鳴蛙水鄉。鳥來山上弄紅光。船回浦口聞漁唱。道人睡起。羲皇上。拜陽谷。誦神王。

緯網絮

綺羅叢。粉黛香。擁千鍾。食萬羊。天生福。這不是容易教人享。但青蘇白飯觀無極。濁酒清歌夜未央。醉來時。辛夷花發滿藤牀。醒來時。梧桐月色低羅幌。縱無榮也自然清曠。喚山妻稚子。問種幾株桑。

江流九曲

一從撇下紫游韁。番然提起烏藤杖。几席外。十洲三島。眉眼裏。玉戶金堂。仙姬毛女珠衣薄。口父從童羽蓋場。竊來的花間寶瑟。叨陪的石上壺觴。那時節。管甚麼越弱吳強。秦短周長。楚漢興亡。田竇參商。草沒齊梁。土掩隋唐。跳出陰陽。鸞鶴驂翔。呀。此乃是大丈夫生的勾當。又何須論那糞土中蜉蝣半晌。一笑回頭萬慮降。

尾聲

赤松黃石千年業。到青史總成虛誑。木落天高一夜霜。

娑羅館逸稿卷二

與傅光澤廣和六言詩各十首

門外馬頭塵起。山間竹裏泉鳴。一語向君說破。此是大地火坑。

和

竹裏泉鳴非寂。馬頭塵起非喧。青蓮都在火裏。大道至此忘言。

其二

瓦解須交作土。土合還復成瓦。四大百年偶聚。愚夫卻認是我。

和

瓦土未有成毀。色空那得去來。悟卻菩提非樹。自然明鏡非臺。

其三

澹中得趣彌真。濃處回頭味短。飽時卽厭烹鮮。樂極番嫌絲管。

和

豈但濃非真味。元來澹亦全無。須是愛憎雙遣。寂然照見真吾。

華亭陳繼儒仲醇校

其四

偶上前朝古墓。黃泥白骨英雄。爲是兒童弄影。不知影弄兒童。

和

死者不在黃泥。生者盡是白骨。便教影弄千回。影去兒童未沒。

其五

新聞喪我良友。不哀仰視秋髮。浮雲聚散常事。不聞人哭浮雲。

和

但愁此去錯路。何論歸來後先。假是沈郎出世。回頭我輩堪憐。

其六

萬劫從人迷悟。狐狸粉黛葳蕤。迷者認爲粉黛。悟者豈是狐狸。

和

迷悟元無二性。人妖豈有殊形。不見狂夫顛倒。狐狸也是娉婷。

其七

逍遙聊借造物。登覽何用亭臺。地僻松風還至。日落山月又來。

和

瞑目蒲團趺坐。遍覽三千大千。皎皎中秋月影。溝渠河海同圓。

其八

世事海漚起滅。人身石火須臾。借問誰爲真我。元始上空寶珠。

和

世界何人非我。生平我是何人。畢竟真空無相。幽然與物同春。

其九

秉燭鄰家借火。乘筏渡口浮船。寶鏡多來自照。金針卽在身邊。

和

寶筏非從佛有。慧燈豈向人求。到來光明彼岸。燈筏無功可收。

其十

猷境未免生境。簡緣只是多緣。風霾霹靂半晌。依然一半青天。

和

晦朔何妨滿月。陰雲無礙青天。本是不生不滅。神仙安用長年。

贈僧四十六首

早起繁蘂盈條。晚來落英滿路。所以桃花比丘。卻向桃花得悟。

業識若冰夾魚。凡情似石壓草。諸天根盡還來。智人各爲不了。  
昨日纔觀燈火。明朝又賞花朝。聖人知是苦處。凡夫認作逍遙。  
著境迺屬攀緣。離境又增公案。解得不著不離。方是英雄手段。  
枕上聒聒鳥聲。窗前暉暉日色。不知朝雨初過。但見杏花狼籍。  
鳥從藁薄飛來。人自蒲團出定。竹間一縷疎烟。松外數聲清磬。  
天狐邪定通天。思媚情堅化石。移此心向菩提。大道何憂不得。  
善意立除金猊。嗔心卻感飛狸。饒他萬行嚴飾。不如一念修持。  
拔藕非爲盜物。聞香卽是偷花。皂帛能容大漉。白璧不受微瑕。  
晚來獨坐平林。玉界冰壺澄徹。波光倒瀉青天。霞氣亙流素月。  
平居開口謗經。疾病低頭禮佛。高巾大袖寬衫。一味胸中鶻突。  
並坐彌迦長老。傍立帝釋梵王。此是棋逢敵手。猶來執事當行。  
臺下士女如雲。臺上神天如雨。不遇碧眼胡僧。還怕閻王勾女。  
我笑裴家老子。顛倒妄譚佛理。要從魚蒜雞豬。了卻生老病死。  
得果魁僧屠兒。了道姪房酒肆。古德從來有之。公卻無此本事。  
窗寒雲護簾衣。林響風搖鈴索。水流碧沼草開。鳥踢青枝花落。

夢中便失主張。死後安有柵柄。心神最忌紛飛。學道功先戒定。一日失離桑梓。卻認并州故鄉。忽到應家門巷。依然本地風光。林深室似僧寮。齋久廚同香積。魚來水面穿花。雀下階前爭食。明鏡故自湛然。塵埃亦當勤拂。若悟空本無華。難道性中有物。千層浪裏翻身。萬丈崖顛失足。獠獠裹在布裏。老鼠走在牛角。片石愛他壘碓。山亭助我清虛。移樹低臨篠宥。補茅細剪枳櫚。迦葉被下鉗鎚。支公猛施鍛鍊。苦口迺是良鍼。甘言轉成毒箭。將死冤家出現。臨終幢蓋來迎。善惡惟心所造。總由機熟觀成。超昇淪墮何常。地獄天堂迅速。念好火輪頭去。言善蓮花口來。自笑莎羅道人。僻性耽愛芳春。歲歲誤將綺語。深深拜禱花神。烏啼山客猶眠。花落家童未掃。無論詩句能工。會見胸懷自好。白楊墓上悲啼。紅粉筵中著鬧。未知卻後來由。布袋闍黎大笑。口中狼籍葷腥。言低瀾翻佛理。任教亂墜天華。不信先生油嘴。寶誌噉魚是幻。戒公食肉何曾。只許州官放火。不許百姓點燈。水清照見鬚眉。鏡朗能分鬚漢。道人三明六通。實理何曾虛幻。

應說芝蘭鮑魚。學道須求良友。鑒湖湖上隱淪。虎林中園叟。  
未能見性明心。庶幾知足少慾。獨有一障未除。闢地栽花種竹。  
芒鞋草索布袍。花玉文犀宮錦。剎那傀儡千場。總破邯鄲一枕。  
絕智道家行徑。剗心佛氏門風。壞盡山河大地。不關爛卻虛空。  
世界真是從橫。事物由他好醜。迷人於此沈身。聖哲從茲了手。  
見聞總障心王。金屑翻爲目翳。胡僧自有別傳。獮獠何曾識字。  
黃檗心印直截。天台教觀多般。雖然蹊徑差別。到來同是長安。  
試看刑人博徒。終日何曾交睫。學道靜裏昏沈。卻繇生死不切。  
我愛吳公公子。盛年早賦繁華。口中一味菜甲。舌底千片蓮花。  
清虛一定超昇。種惡必然淪墮。何須身後差排。此是眼前因果。  
中廚薄有盤飧。野客卻無苛禮。銜盃戒語市朝。揮塵只譚名理。  
宮商蛙引歌喉。紅白骷髏粉頰。迷時何異嗜痂。悟後還同嚼蠟。  
眼看華屋朱門。不異清泉白石。世界境有炎涼。道人心無喧寂。  
夜靜寒生木榻。香殘讀罷楞迦。還好烟消院落。何嘗自照梨花。  
山僧一喚輒行。朝廷三詔不起。大是彥國高標。堯夫何是知此。